

Nuna tamakkerlugu tusagassiutinut naqitanut ingerlatsinermut tapiissuteqartarnek pillugu Namminersorlutik Oqartussat nalunaarutaat nr. 10, 26 maj 2016-imeersoq Atuussimasoq (Historisk)

Kulturikkut ingerlatsineq sunngiffimmilu sammisassaqaartitsineq pillugit Inatsisartut peqqussutaanni nr. 10, 21. maj 2002-meersumi § 31 naapertorlugu aalajangersarneqarpoq:

Kapitali 1

Atuuffia

§ 1 Naalackersuisut aningaasaliissutinik aningaasanut inatsimmi aalajangersarneqartut iluanni nuna tamakkerlugu tusagassiutinut naqitanut inuiaqatigiinnut paasissutissiisarnermik siuarsaallutik aamma tamat oqartussaaqataatillugit oqallitsitsillutik suliaqartunut ukiumoortumik ingerlatsinermut tapiissuteqartarput.

§ 2 Tapiissutit nutaarsiassanik soqutiginaatilinnillu imamikkut kalaallinut atuartartunut imaluunniit nunani allani pisunik kalaallinut soqutiginarsinnaasunik nalinginnaasumik naqiterititsinermut tapiissutit tunniunneqartarput.

Imm. 2. Tusagassiorfik arlaannaanulluunniit attuumassuteqanngitsutut isigineqassanngilaq:

- 1) Pisortani oqartussanit, suliffeqarfinit imaluunniit ingerlatseqatigiiffinit pisortanit aningaasalersorneqartunit assigisaannilluunniit tamakkiisumik ilaannakortumilluunniit pigineqarpat imaluunniit
- 2) tusagassiorfiup minnerpaamik affaa sulisitsisunit, sulisartunit, suliffeqarfinit assigiimmik suliaqarfinit soqutigisaqatigiinnilluunniit pigineqarpat, matumani ilanngullugit politikkikkut partiit.

Imm. 3. Tusagassiutit naqitat ima paasineqassaaq aviisit, atuagassiat saqqummersartut imaluunniit atuagassiat assigisaat.

Kapitali 2

Tapiiffigineqarnissamut piumasaqaatit

§ 3. Tapiiffigineqarnissamut piumasaqaataavoq:

- 1) tusagassiorfik namminersortuussasoq, takuuk imm. 2,
- 2) tusagassiorfik Kalaallit Nunaanni angerlarsimaffeqassasoq
- 3) tusagassiorfik piffissaq tapiissuteqarfiusoq tamakkerlugu akisussaasuusumik aaqqissuisoqassasoq,
- 4) tusagassiorfik aaqqissuisunik sulisoqassasoq, taakkulu akisussaasuulluni aaqqissuisoq ilanngullugu minnerpaamik ukioq naallugu sulisinnaasut pingasuussasut,
- 5) tusagassiorfik minnerpaamik sapaatit akunneranut ataasiarluni nuna tamakkerlugu naqitanngorluni saqqummertassasoq,
- 6) tusagassiorfik namminersorlutik suliaannik imaqarlutik saqqummertassasut, pingaartumik naalackersuinerlutik inuiaqatigiinnillu tunngassutilinnik sammisaqarlutik, imaasa affai pilerisaarutit

ilanngunnagit nunamut namminermt, nunanut allanut, kulturimut, najukkamut tunngassutilinnik soqutiginaruuneri nutaarsiassaaneri isiginiarlugit aaqqissuisunit suliarineqarsimassasut.

7) saqqummersartut inuussutissarsiutilinnut ilinniarsimasunulluunniit, sulisut peqatigiiffiit, sulisitsisunut imaluunniit suliffeqarfinnut assigiimmik suliaqarfiusunut, politikikkut partiinut imaluunniit suliffeqarfiit assigiinngitsut sulisuinut aalajangersimasunut saaffiginniinnaratik atuartartunut assigiinngitsorpassuarnut saaffiginnittuussasut,

8) minnerpaamik kalaallisut saqqummertassasut,

9) qinnuteqarnissamut piffissaliussatut aalajangersarneqartoq nallertinnagu ingerlatsinermut tapiiffigineqarnissamut qinnuteqaat Kultureqarnermut Naalackersuisoqarfimmit tiguneqareersimassasooq, tak. § 4, imm. 1 aamma

10) Kultureqarnermut Naalackersuisoqarfik kingusinnerpaamik tapiiffigineqarnissamut qinnuteqaatip tiguneqarneranut peqatigitillugu naatsorsuutit kukkunerisuisumit kukkunerisuisutut nalunaarsukkamik uppersaatinillu pisariaqartunik tigusaqarsimassasooq, tak. § 4, imm. 2 aamma 3.

Imm. 2 Tusagassiorfik namminersortutut isigineqassasooq, tak. imm. 1, nr. 1, namminersortumik aaqqissuisunut pisortaqarpat nammineerluni naqitanik nalunaarsuisinnaasumik, immikkullu saqqummersartunik pisartagaqartoqarsinnaappat.

Kapitali 3

Qinnuteqarnermi periuseq tunniussinerlu

§ 4. Ingerlatsinermut tapiiffigineqarnissamut qinnuteqaat Kultureqarnermut Naalackersuisoqarfimmeeriissasooq piffissami 14. novemberimiit 1. december ilanngullugu qaammatisiutit ukiuani qinnuteqarfiusumi.

Imm. 2. Allakkatigut qinnuteqartoqassasooq imarisaanilu nalunaarsimassapput qinnuteqartup kontoa, tapiiffigineqarnissamut piumasaqaatit eqqortinneqarsimanerimut uppersaatiit pisariaqartut, piffissami qinnuteqaatip nassiunnerani saqqummersitsinerit amerlassusii ukiullu sinnerani saqqummersitsinissamut pilersaarutit.

Imm. 3. Kultureqarnermut Naalackersuisoqarfiup qinnuteqaammik suliarinninnerminut ilaatillugu qinnuteqartoq paasisutissanut ilassutinik attuumassuteqartunik piumaffigisinnaavaa, matumani ilanngullugit tapiiffigineqarnissamut piumasaqaatit eqqortitsinerimut uppersaatinik amerlanerusunik.

§ 5. Ingerlatsinermut tapiissutit tusagassiorfiup ukiup tapiissuteqarfiusup iluani saqqummersitaasa amerlassusii tapiiffigineqarnissamut piumasaqaatinik eqqortitsisut tunngavigalugit tunniunneqartarput, ukiup tapiissuteqarfiusup iluani saqqummersitassanut tamarmiusunut tapiiffigineqarnissamut piumasaqaatinik eqqortitsisunut sanilliullugit.

Imm. 2. Aningaasaliissutit tamarmiusut tamakkiisumik atugassiissutigineqassapput, ikinnerpaamik qinnuteqartoq ataaseq tapiiffigineqarnissamut piumasaqaatinik eqqortitsisoq qinnuteqaateqarpat.

§ 6. Kultureqarnermut Naalackersuisoqarfiup ingerlatsinermut tapiiffigineqarnissamut qinnuteqaatit pillugit aalajangiineri allaffissornikkut oqartussanut allanut suliassanngortinneqarsinnaanngillat.

Kapitali 4

Atuutilersitsinermut ikaarsaarnermullu aalajangersakkat

§ 7. Nalunaarut 1. juni 2016-imi atuutilissaaq.

Namminersorlutik Oqartussat, ulloq 26 maj 2016

Nivi Olsen

/

Mikael Kristensen